

哉、

〔中右記〕嘉承二年六月七日壬戌今夕依御方違可有行幸內裏也是尊勝寺修理之間依違御金神方也云々、

〔百練抄七條〕應保二年十月十九日爲御方違行幸勘解由小路殿而於路上藏人敦經申本所有穢物之由仍欲還御之處頭辨雅賴參上非穢物之由申之仍遂行幸、

〔庭槐抄〕治承二年四月二十九日召使來催云明日御方違行幸可參者今日河水彌增人馬不往來云云行幸有無內々尋女房之處如只今者猶可有行幸之儀也可參云々猶進使於內裏河水深殆難通然而可相構參但若有延引事者凌洪水參陣太可恐使即歸來云行幸猶必定也早可參者即馳參河水甚深尤其恐于時下人云行幸已成仍於二條東洞院騎馬可參陣之由兩度令申了不被待大將之條如何乙鞭參矣五條大宮猶御輿重仍自後陣過御輿了今夜行幸強被忿之條未知其理至于河原浮橋前陣逗留被尋子細之處只今浮橋已破了御輿不可進者御輿停七條河原之口近衛司等扣馬群立左右相爭群動滿耳予以隨身招光能朝臣奏云御輿徒逗留尤無所據早可直浮橋之條可被尋檢非違使申不叶之由者早可被奏法皇○後隨彼御氣色可有左右被直橋之條猶有不審者無左右進御輿事尤有其恐當時參會可去後日之難也光能進馬依天氣即馳參院了良久無音而浮橋已被直了早可渡御之由院御返事云々仍予進馬欲渡橋而驚奔不渡仍觸定能朝臣扣馬先奉過御輿了近衛司等或自水渡或過橋其後予下馬渡橋是爲避怖畏也御輿扣河岸之間予又驚前行了幸法住寺殿下馬入門立北方如常公卿中納言兼雅時忠成範參議朝方列立中門外北方東上予立其末也御輿停門外定能朝臣進氣色兼雅卿申事之由歸出之時與進予前行入中門內關白被降立中門內北方御輿被居予居東方砌五六尺實守卿候劔通親朝臣候重下御了予昇中門座即退出向大炊御門宿今夜凌洪水行幸是何故哉御方違日數不滿云々未知其理而已是偏狂申令然歟可恐々々、